

BODO (CODE:092)

CLASS-XII (2018-19)

SECTION-A

READING COMPREHENSION

गाहायाव 1 निफ्राय 3 सिम होनाय सौंथिफोरखौ मोजाडै फराय आरो सौंनाय बादि फिन हो:

1. आंनि गेवस्रानाया सुबुंनि जिउ थसेखौ मोनजाफुंनाय। साफ्रोमबो मानसिया जिउनि बे गोनं जिरादखौ गावबा गावनि लामार्जो बेखेवस्रानो नागिरो। नाथाय बेनि जाउना एबा बे गेवस्रानायनि जखाया गोबाडैनो जुदा जुदा। आसोलाव बयबो मानसियानो आइननि मेगनाव समान एबा बयनिबो जिवा समानै गोथार। सासे दुथां एबा बिबायारिखौ बुथारब्ला जेसेबां फाब जायो सासे राजखुंगुर एबा गाहाइ मन्त्रीखौ बुथारब्लाबो एसेबां फाब जायो। थेवबो नाथाय बेनि गेजेरावनो गेदेर-उन्दैनि बाथ्रायाबो हाबनानै दं। मोनसेल' नडा गोबां आयदायावनो मानसिनि देरसिन-दुयसिनखौ नुयो। देहा आरो गोसोआवबो मानसिया समान नडा। खायसेबा दैत्य असुर बादि गोजौ गेदेर, खायसेबा उन्दै थेफ्रा फ्रा, खायसेबा द्लामैनो गियानि, खायसेबा साननो रोडै थौले गोसोनि। खायसेबा लहा बादि गोरा गोगोम गोसोनि, खायसेबा थलं थफं लोरबां गोसोनि। देहा आरो गोसोनि बेफोर जुदाथिया मानसिनि गेजेराव गाहाय-गोजौ, गेदेर-उन्दै लाबोदौं। बे जुदाथिनि जाउना बेनो दि थांना थानायनि जुजिलायनायाव खायसेबा गावनि थांखिफोरखौ मालायनिखुइ सिगां मोनहैग्रोयो, खायसेबा मालायफोरनिखुइ बांसिन आरो साबसिन खामानि मावनो हागौ, जायनि थाखाय बिसोर मुंदांखा जायो।

4x1=4

क) सुबुडा जिउ मोनसेयाव देरहासारनोब्ला मा जानांगोन?

i.मानसिनि 'आं' आ गेवस्रानांगोन

ii.मानसिनि 'नौं' आ गेवस्रानांगोन

iii.मानसिनि 'बि' आ गेवस्रानांगोन

ख) सोरनि मेगनाव बयबो मानसियानो समान?

i.मानसिनि मेगनाव

ii.समाजनि मेगनाव

iii.आइननि मेगनाव

ग) मानसिया मा मा बिथिडावबो समान नडा होनना बुंनाय जादों?

i.गोसो आरो देहा

ii.गोसो आरो महर

iii.गोसो आरो सावस्रि

घ) मानसिनि गेजेराव फारागखौ माया लाबोदों?

i.मेगन आरो नोजोरनि फारागथिया

ii.साननाय आरो मावनायनि फारागथिया

iii.गोसो आरो देहानि फारागथिया

2. गराइजों दावहा नानाय मुगानि सोमोन्दे लिंकेला हायनागोनां रावै जेरै फोरमायलांदों क्रिमियानि दावहाखौबो दाबो बे रावै बाख्नायजायो। नाथाय आथिखालनि दावहाया थारैनो जुदाथारसै। बे बाथाया नंखाय नडा। दासिमहालागै औरै बादि सान्थि गाहाइफोर दं जाय गोदोनि आखुवैनो दावहायाव बोकदात जिउ गारो, नाथाय बिसोरखौ गोनांथार होनना साननाय जालिया। सासेल' निउक्लियार बेसाद बिगियानियानो गोबां दिभिजन फाइखि हान्जानि बांद्रायबावसो। आथिखालनि गोदानसिन बिगियानखौ बाहायनायनि अनगायैबो दावहायाव देरहानायनि गाहाइ राहायाबो बोकदात सान्थि हान्जा नडा, नाथाय गिलिर उद्यगसो। पार्ल हारबारनि उनाव आमेरिका जथाइ हादरनि जाफुंसारनायखौ साननानै नाय। जापाना दिन्थिनाय जोहोलाव आखु रावबो हारिया दिन्थिफेराखै नाथाय बिसोर आमेरिकानि उद्यगफोर दिहुननाय मुवाफोरजों गेजेन जानांदों। आथिखालनि हारिफ्रा दावहायाव देरहानोब्ला सान्थि हान्जानि थुलुंगाखौ नागिरालाबानो इस्पात, थाव आरो इउरेनियामसो नागिरनांगासिनो। आथिखालनि दावहाया दासिमबो गोदोनि बिगियान जौगाखाडै मुगानि दावहाफोर बादि बाराद्राय जिउ फोजोबस्रांग्रा जायाखै। मानोना, हाथियारफोरनि बुथारलु आखुखौ मुलि आरो देहा बिगियाननि जौगाखांनाया बुथुवा खालामनानै दोनदों।

4x1=4

क) आथिखालनि दावहाया जुदाथारसै होनना बे खोन्दोआव बुंनायनि जाहोना मा?

i.मानोना, आथिखालाव दावहा नांनो गोबां सान्थि हान्जा नांगौ

ii.सासे निउक्लियार बेसाद बिगियानियानो गोबां सान्थि हान्जानि खामानि मावो

iii.गोबां गराइजों नांग्रा दावहारु नांगौ जायो

ख) आथिखालाव दावहायाव सोरखौ गोनांथि गोनां होनना साननाय जालिया?

i.गिख' दावहारुफोरखौ

ii.बोकदात दावहा नांना जिउ होग्राफोरखौ

iii.निउक्लियार बेसादजों दावहा होग्राफोरखौ

ग) आथिखालाव दावहायाव देरहानायनि गाहाय राहाया मा होनना नै बुंदों?

i.बोकदात सान्थि हान्जा

ii.सिलाइ-कामान आरो बायदि हाथियार

iii.गिलिर उद्यग

घ) दावहायाव हाथियारफोरनि मानसि बुथारनो हानाय गोहोखौ माया कम खालामनानै दोनदों?

i.गिलिर उद्यगा

ii.देहा-बिगियाननि जौगानाया

iii.सानथ्रिफोरनि बोकदात गोसोआ

3. दोहोनि आरो निखावरि-बे मोननै सारिनि मानसिफोरनि अराय जुजिलायनायखौ नुनानै कार्ल माकर्सा बुहुमनि रांखान्थिखौ बेसादनि आखुजोंल' बिजिरदोंमोन, इसोरनि महर एबा दोहोरोमखौ बियो सिमान जायाखैमोन। अब्ला फारसेथिडै गुबुन सानसुमै मानसिफ्रा अदोहोरोमनि गोमोथाव बुहुमनि दुलाराय सुबुं हारिनि गेजेराव गुलाय गुजाय फैजानो गिदोंमोन आरो दाबो गियो। बुहुमनि मुंदांखा साइकलजिष्ट फ्रयेदा जेब्ला गोरलै गथ'नि आखुवावबो सेक्सनि इसारा नुनायनि बाथा

बुडो, अब्ला लामा सामा मानसिफोरजों मुजुजायो, सेन्देल-जुथार्जों खुबैजायो। नाथाय दानि मुगायाव फ्रयेदनि बाथ्राखौ मानिनानै लानायाव रावहाबो अजद गैलिया। बेयो सैथोनि देरहानाय-फ्रयेदनि देरहानाय। बे बाथ्राखौ बुडोब्ला जागोन दि मेगनजों नुनानै फोथायनो हाथावथाव फोथायहनो हायोब्ला फोथायनाय आरो गिनायनि थाखाय बेफोर बादि दुखु-दाहा, साजा कष्ट मोननाया जेरैब्लाबो जानो हाया। नाथाय बेखौबो जों सिमान जायाब्ला राहा गैया दि, मेगनजों नुनानै फोथायनो हाथावथाव फोरमान होनो हायै सैथोबो दं जायखौ नेवसियोब्ला दुलाराय सुबुं हारियानो दुखु-दाहा, खैदां-खैफोद सैनाडो।

4x1=4

क) कार्ल मार्क्स सोरमोन?

i.सासे राजखान्थिगिरि आरो सानथौगिरि

ii.सासे रांखान्थिगिरि आरो सानथौगिरि

iii.सासे रांखान्थिगिरि आरो फोरोंगिरि

ख) फ्रयेदा गोरलै गथ'नि आखुवाव सेक्सनि इसारा दं होननाय बाथ्राखौ मानसिफोरा मानो फोथायनो गोब्राब मोनदोंमोन?

i.मानोना बे बाथ्राया हारि बेरेखामोन

ii.बे बाथ्राया गनायथाव थाव नंथारामोन

iii.फ्रयेदखौ बयबो फाग्ला होनना सानदोंमोन

ग) फ्रयेदनि गोरलै गथ'नि आखुवावबो सेक्सनि इसारा दं होननाय बाथ्राखौ उनावहाय गनायना लानाय बाथ्राया मानि देरहानाय होनना रायथायाव बुंनाय जादों?

i.गोसोनि देरहानाय

ii.सैथोनि देरहानाय

iii.आथोननि देरहानाय

घ) बुहुमाव गुबुन मा रोखोमनि सैथोबो दं?

i.मेगनजों नुना फोरमान मोननो हानाय

ii.मेगनजों नुयै फोरमान होनो हायै

iii.मेगनजों नुना गोसोजों फोथायै

4. गाहायाव होनाय दफाखौ फरायनानै बेनि गुबै आयदाखौ गावनि रावजों लिर। 5

मानसिनि गाराडा इसोरनि दान नाथाय रावा मानसिनि दानाय। गथ'वा देरनायनि लोगो लोगो रावखौबो सोलोनो हमो आरो मानसिफोरनि गेजेराव गावनि गोसोनि साननायखौ बेखेवनानै होयो। उन्दै माहारि बादि नखरसेखौ लानानै गेदेर माहारि राष्ट्रसंघसिम रावखौ बाहायनो नांथारगौ। रावा माहारि दानायनि मोनसे एंगारथावै मुवा। रावजों माहारि एबा हारि मोनसेनि हारिमुनि जेसेबां लानाय-जानाय जिरादफोरनि मुं होनाय जायो। बेनिखायनो रावजों हारिमुवा लोगोसे। रावा गोसोनि साननायखौनो खिन्थायो।

5. गाहायनि खन्थाइ सिरिफोरखौ फरायना सौनाय लेखा फिन लिर: 3x1=3

बुं दैखौ रुबला दैया बहा थाड

अन्थाइजं अन्थाइ बुजाबब्ला अर जड

अन्थायाव अर दड बेखौ छर बुंन?

आं जेरावब बइनावब थादं

नाथाय आंखौ छर नुन

छर आंखौ सानछ हान।

जेबो आंनावन उजिदं आंनावन गमरदं।

छरखौ मुगैन छरखौ दनन

बइब आंन, आंन बइब

नंन बइब, बइब नंन

रायजआन साछे, साछेयान रायज।

क) अन्थायाव अर दड बेखौ छर बुंन?-होननाय बाथ्राखौ मार्जो रुजुना बुंनाय जादों?

ख) आं जेरावब बइनावब थादं-होनना बुंनाय खन्थाइ सारिनि 'आं' आ सोर?

ग) रायजआन साछे, साछेयान रायज होनना खन्थायाव मा फोरमायनो नागिरदों?

## SECTION-B

### WRITING SKILLS

6. "दाइना-दाइनि बुथारनाय खामानिया सोलौंथाइ गैयै आरो दावगानो हायै समाजावसो आथिखालाव जागासिनो दं।" -बे बिबुंथिनि मदद होनानै एबा बेरेखा खालामनानै नौनि साननायखौ फोरमाय।(मोन 150 सोदोबनि गेजेराव) 10

7. नौंसोरनि जायगायाव एबा बुहुमाव जानाय जायखिजाया मोनसे जाथायखौ रादाब बिलायाव फोसावनो हाथाव महरै लिरना आरो फोसावनो खावलायना गाहाइ सुजुगिरिनिसिम गांसे लाइजाम लिर। 10

## SECTION-C

### GRAMMAR APPLICATION

8. बर' रावनि बां सानराइ दिन्थिग्रा दाजाबदाया मोनबेसे आरो मा मा? मोनफ्रोमबो दाजाबदाखौ बाहायनानै मोननै मोननै सोदोबनि बिदिन्थि लिर। 2+3=5

9. सोदोब माखौ बुडो? बर' रावनि सोदोबखौ मा मा राहाजों दानो हायो मोनफा मोनफा बिदिन्थि होना लिर। 2+3=5

10. जानो मोनब्ला हाथाइ नांगायो।-बे बाथ्रा फावनि ओंथिखौ गुवारै फोरमायना लिर। 5

11. गाहायाव होनाय सौंथिफोरनि मोनफ्रोमावबो मोनथामै जाथावना फिन होनाय जादों। बेफोरनि गेजेराव बबेबा मोनसेयाल' गेबें। गेबें फिनखौ सायख'ना लिर। 10x1=10

क) -दों उनदाजाबदाया गाहायनि बबे मोनसे सोदोबजों दाजाबजायोब्ला गेबें ओंथि फोरमायगोन?

i.मानसि

ii.दाउ

iii.दाव

ख) -सिन उन दाजाबदाखौ मा ओंथि फोरमायनो बाहायनाय जायो?

i.मोनसे ओंथि फोरमायनो

ii.सानैनि गेजेराव रुजुनाय दिन्थिनो

iii.गोबांनि गेजेराव रुजुनाय दिन्थिनो

ग)-सोर उनदाजाबदाखौ गाहायनि बबे मोनसे सोदोबजौ बाहायनाय जाया?

i.गाव

ii.मा

iii.बि

घ)गाहायाव होनायफोरनि बबे मोनसे खान्थिया बर'फोरनि सोदोब दानाय खान्थिनि गेजेराव गोलैया?

i.होनजाब सोदोब आरो दाजाब सोदोब

ii.जथाइ सोदोब

iii.मुंमा सोदोब

ड)बि- सिगां दाजाबदा बाहायनानै दाजानाय गाहायनि बबे मोनसे सोदोबा गेबें लिर?

i.बिबार

ii.बिथां

iii.बिसोर

च) 'खांदान' सोदोबाव 'दान' जौ मा ओंथि फोरमायनाय जादौ?

i. दासो

ii. दानो

iii. दाहालागे

छ) गावथार सोदोबाव थार महरा मा ओंथि फोरमायदों?

i. फोथै

ii. गोथै

iii. गोथां

ज) सैमा सौनाया अरनो रोडा अखा खोरोमनाया हानो रोडा-नि ओंथिया-

i. बाराद्राय बुंग्रा मानसिया गुबै हाबायाव उदायनाय

ii. बाराद्राय बुंग्रा मानसिया गुबै हाबायाव नांथाबनाय

iii. बाराद्राय बुंग्रा मानसिया गुबै हाबायाव उदायै

झ) हास्राव हाया हाब्रु जाया-नि ओंथिया-

i. गाज्जि आखुवा मोजां जाफिनै

ii. गुबै मुस्लिखौ मिथिनो बारा गोबाव नाडै

iii. थगायनो सानब्लाबो थगायनो हायै

ञ) जकथाव थाव अदला खुंनाय-नि ओंथिया

i. गुबै हाबा मावनाय

ii. हाबा मावालासे जिरायना थानाय

iii. लेडाय हाबा मावफानाय



## SECTION-D

## LITERATURE

12. A Collection of Kachari Folk Tales and Rhymes मुंनि बिजाबनि रावा मा आरो बेयाव मा हांखो बाहायनाय जादोंमोन? बे बिजाबाव सोफानाय दोंद' सल'बाथानि मुं लिर। 2+3=5

13. गाहायाव होनाय सोंथिफोरनि मोनफ्रोमावबो मोनथामै जाथावना फिन होनाय जादों। बेफोरनि गेजेराव बबेबा मोनसेयाल' गेबें। गेबें फिनखौ सायख'ना लिर। 10x1=10

क) 1983 मायथायाव ओंखारनाय बिहुराम बर'नि गांसे बिजाबनि मुडा-

i. आसारबा

ii. गिबि बिथाय

iii. गदाय बिथाय

ख) गोनोखोआरि गोसो माबोरै दानो हायो रायथाइनि गुबै लिरगिरिया-

i. बिरुपाक्ष गिरि बसुमातारी

ii. ड<sup>0</sup> दीनेश चन्द्र ग'स्वामी

iii. ड<sup>0</sup> कामेश्वर ब्रह्म

ग)फिसा सिथर आरो गेदेर सिथरा मानिफ्राय सोमजियो?

i. फांगासनिफ्राय

ii. भाइरासनिफ्राय

iii. जिउसानिफ्राय

घ)गाहायनि बबे गांसे लाइसिखौ प्रम'द चन्द्र ब्रह्मवा सुजुवाखै?

i. अखाफोर

ii. अलंबार

iii. हाथखिं-हाला

ड)रनेन्द्र नारायण बसुमतारी सुजुनाय लाइसियाव ऑखारनाय प्रम'द चन्द्र ब्रह्मनि दोंसे रायथाइनि मुडा-

i. फाग्लि

ii. सोरबा

iii. दाउ संबायनाय

च)थाइ आहमफोरा आसामाव बबे मायथाइयाव हाबफैदोमोन?

i. 1228

ii. 1328

iii. 1428

छ) रोनसोन्द्रिखौ "कालीमाता" होनना सोर बुंलांदो?

i. ड<sup>0</sup> बानीकान्त काकती

ii. ड<sup>0</sup> सुनीति कुमार चेटार्जी

iii. उपेन्द्र चन्द्र गुह

ज) बराक दैमाया बोहैलांनानै उनाव मा दोनै दैमा जाहैदो?

i. बराक आरो सुरमा

ii. बराक आरो कुसियारा

iii. कुसियारा आरो सुरमा

झ)मोन 108 शिबनि मुसुखा दाननायखौ बबे जायगायाव मोनो?

i. आन्नामालाइ सेरनि चिदबम-रामाव

ii. काञ्चीपुरमाव

iii. श्रीपेरामबुदुराव

ज) सश्रावलि देखोखौ माब्ला दामो?

i. चैत्र दाननि जोबथा हरनि फुंसि समाव

ii. बैसाग दाननि जोबथा हरनि फुंसि समाव

iii. पुष दाननि जोबथा हरनि फुंसि समाव

14. सम बेसम खन्थाइनि गेजेरजों खन्थाइगिरिया मा फोरमायनो नागिरदों? 5

15. गाहायाव होनाय सोंथिफोरनि मोनफ्रोमावबो मोनथामै जाथावना फिन होनाय जादों। बेफोरनि गेजेराव बबेबा मोनसेयाल' गेबें। गेबें फिनखौ सायख'ना लिर। 5x1=5

क) प्रम'द चन्द्र ब्रह्मनि मोनसे लाखोमानाय मुडा मा?

i. रंदिनी फाग्लि

ii. बिक्रम

iii. प्रमथेश

ख)सम फैब्ला आंबो थांगोन- होनना खन्थाइगिरिया फोरमायदों-

i. थैब्ला

ii. गोसो जाब्ला

iii. फुं जाब्ला

ग)सम बेसम खन्थायाव 'दावहारु गराय' सोदोबजों माखौ फोरमायनो नागिरदों?

i. खारथाइ गैयि गोसो

ii. खारथाइ गोनां गोसो

iii. मैला गोसो

घ)कालाहान्दिया भारतनि बबे राइजोआव दं?

i. अडिशा

ii. सोनाब बंग'

iii. तेलंगाना

ड) दानो दाबाव दखना होनना खन्थाइगिरिया खन्थाइनि गेजेरजों मा फोरमायनो नागिरदों?

i. रंजा-बाजा जोबबोनायखौ फोरमायदों

ii. खौसेथि जोबबोनायखौ फोरमायदों

iii. गाननाय-जोमनाय जोबबोनायखौ फोरमायदों

16. नों मिथिनाय सोरबा सासे मानसिनि जुनि जाथायखौ लानानै सल' दोंसे लिर। (मोन 150  
सोदोबनि गेजेराव) 10

\*\*\*